

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**DOM NARODA**  
**Zakonodavno-pravna komisija**

Broj: 02/2-02-836/16  
Sarajevo, 20. 04. 2016. godine

**DOMU NARODA**  
**PARLAMENTA FEDERACIJE BiH**

Zakonodavno-pravna komisija Doma naroda Parlamenta Federacije Bosne i Hercegovine na 11. sjednici, održanoj 20. 04. 2016. godine, razmatrala je:

1. Prijedlog Zakona o izmjenama i dopunama Zakona o upravljanju otpadom – hitni postupak,
2. Prijedlog Zakona o izmjenama i dopunama Zakona o transplantaciji organa i tkiva u svrhu liječenja - skraćeni postupak,
3. Prijedlog Zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine – skraćeni postupak,
4. Prijedlog Zakona o finansijskom upravljanju i kontroli u javnom sektoru u Federaciji Bosne i Hercegovine,
5. Prijedlog Zakona o upravljanju državnim kapitalom u privrednim društvima u Federaciji Bosne i Hercegovine,
6. Nacrt Zakona o Fondu za zaštitu okoliša i energetska efikasnost Federacije Bosne i Hercegovine,
7. Nacrt Zakona o zaštiti okoliša,

**Prijedlog Zakona o poljoprivrednoj organskoj proizvodnji Komisija nije razmatrala zbog nedolaska predstavnika predlagača na sjednicu Komisije.**

U skladu sa članom 51. a u vezi sa članom 56. Poslovnika o radu Doma naroda Parlamenta Federacije Bosne i Hercegovine, Komisija podnosi Domu naroda sljedeći:

**I Z V J E Š T A J**

**1. Prijedlog Zakona o izmjenama i dopunama Zakona o upravljanju otpadom – hitni postupak,**

U općoj raspravi Komisija je utvrdila da postoji ustavni osnov za donošenje ovog zakona sadržan u članu III. 2. c) Ustava Federacije Bosne i Hercegovine, prema kojem je politika zaštite čovjekove okoline u zajedničkoj nadležnosti između Federacije Bosne i Hercegovine i kantona. Federalno ministarstvo okoliša i turizma uputilo je Zakon o izmjenama i dopunama

Zakona o upravljanju otpadom 21.12.2015. godine nadležnim kantonalnim ministarstvima (10 kantona) na mišljenje.

Šest slijedećih kantona: Unsko-sanski kanton, Tuzlanski kanton, Hercegovачko-neretvanski kanton, Kanton Sarajevo, Kanton 10 i Zapadnohercegovački kanton dostavili su svoja mišljenja i sugestije na Prednacrt Zakona i većina sugestija je uvažena.

**Komisija ne podržava razmatranje i donošenje zakona po hitnom postupku i predlaže Domu naroda razmatranje i donošenje zakona po redovnoj proceduri.**

## **2. Prijedlog Zakona o izmjenama i dopunama Zakona o transplantaciji organa i tkiva u svrhu liječenja - skraćeni postupak**

U općoj raspravi Komisija je utvrdila da postoji ustavni osnov za donošenje ovog zakona sadržan u Poglavlju III član 2. pod b) i članu 3. Ustava Federacije Bosne i Hercegovine. Prema navedenim odredbama predviđena je podijeljena ovlast federalne vlasti i kantona u oblasti zdravstva, s tim da: - federalna vlast ima pravo utvrđivati politiku i donositi zakone koji se tiču ove ovlasti (član III 3. stav 3.); - kantoni imaju pravo utvrđivati politiku i provoditi zakone (član III 3. stav 4.); - u skladu sa potrebama ovlasti u oblasti zdravstva ostvaruju se od strane kantona koordinirano od federalne vlasti (član III 3. stav 1.), pri čemu federalna vlast uzima u obzir različite situacije u pojedinim kantonima i potrebu za fleksibilnošću u provođenju (član III 3. stav 3.). U skladu sa Poslovníkom o radu Vlade Federacije Bosne i Hercegovine („Službene novine Federacije BiH“, br. 6/10, 37/10 i 62/10) obrađivač zakona uputio je na mišljenje tekst zakona kantonima. Većina kantonalnih ministarstava zdravstva dostavila je pozitivno mišljenje na Prednacrt Zakona. Dva kantona su imala određene sugestije, koje su razmotrene, o čemu će biti riječi u dijelu Obrazloženja „Mišljenja na zakon“. Nakon pribavljenih mišljenja kantona, Nacrt Zakona o izmjenama i dopunama Zakona o transplantaciji organa i tkiva u svrhu liječenja upućen je na mišljenje Uredu Vlade Federacije Bosne i Hercegovine za zakonodavstvo i usklađenost sa propisima Evropske unije Federalnom ministarstvu pravde, Federalnom ministarstvu finansija, Federalnoj upravi za inspeksijske poslove i Gender Centru Federacije Bosne i Hercegovine. Svi navedeni organi dostavili su pozitivno mišljenje na predloženi Nacrt Zakona.

**Komisija ne podržava razmatranje i donošenje zakona po skraćenom postupku i predlaže Domu naroda razmatranje i donošenje zakona po redovnoj proceduri.**

## **3. Prijedlog Zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine – skraćeni postupak**

U općoj raspravi Komisija je utvrdila da postoji ustavni osnov za donošenje ovoga zakona sadržan u odredbama tačke d) Amandmana VIII. na Ustav Federacije Bosne i Hercegovine, a u vezi s članom IV.A.20. (1) d) Ustava Federacije Bosne i Hercegovine, prema kojima je u isključivoj ovlasti Federacije Bosne i Hercegovine donošenje propisa o finansijama i finansijskim institucijama Federacije BiH i fiskalna politika Federacije, a Parlament Federacije Bosne i Hercegovine je ovlašten za donošenje zakona o obavljanju funkcija federalne vlasti.

**Komisija podržava razmatranje i donošenje Zakona po skraćenom postupku.**

#### **4. Prijedlog Zakona o finansijskom upravljanju i kontroli u javnom sektoru u Federaciji Bosne i Hercegovine**

U općoj raspravi Komisija je utvrdila da postoji ustavni osnov za donošenje ovog Zakona sadržan u članu III 1. tačka c), koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije.

#### **5. Prijedlog Zakona o upravljanju državnim kapitalom u privrednim društvima u Federaciji Bosne i Hercegovine**

U općoj raspravi Komisija je utvrdila da postoji ustavni osnov za donošenje ovog zakona sadržan u odredbi člana III. 1. tačka b.), koji je izmijenjen amandmanima VIII, LXXXIX i CVI Ustava Federacije Bosne i Hercegovine prema kojoj je u isključivoj nadležnosti Federacije Bosne i Hercegovine utvrđivanje ekonomske politike, uključujući planiranje i obnovu, te politiku korištenja zemljišta na federalnom nivou i odredbi člana IV. A. 20 (1) d) Ustava Federacije Bosne i Hercegovine, prema kojoj je Parlament Federacije nadležan za donošenje zakona o vršenju funkcija federalne vlasti.

#### **6. Nacrt Zakona o Fondu za zaštitu okoliša i energetske efikasnost Federacije Bosne i Hercegovine**

U općoj raspravi Komisija je utvrdila da postoji ustavni osnov za donošenje ovog zakona sadržan u glavi III, član 2. alineja c. Ustava Federacije Bosne i Hercegovine, prema kojem je politika zaštite čovjekovog okoliša u zajedničkoj nadležnosti Federacije Bosne i Hercegovine i kantona.

Komisija prihvata Nacrt Zakona i smatra da može poslužiti kao osnov za izradu prijedloga zakona.

#### **7. Nacrt Zakona o zaštiti okoliša**

U općoj raspravi Komisija je utvrdila da postoji ustavni osnov za donošenje Zakona o zaštiti okoliša sadržan u glavi III, član 2. alineja c. Ustava Federacije Bosne i Hercegovine, prema kojem je politika zaštite čovjekove okoline u zajedničkoj nadležnosti između Federacije Bosne i Hercegovine i kantona.

Komisija prihvata Nacrt Zakona i smatra da može poslužiti kao osnov za izradu prijedloga zakona.

**PREDSJEDNIK KOMISIJE**

Jasenko Tufekčić, s.r.